庫全書

子部

欽定四庫全書

子部

書畫彙考卷二

詳校官中書臣沈

飓.

侍讀臣练球覆勘

總校官進士臣朱 校對官編修臣沈清藻 騰 錄監生臣黃 臣鵠

鈴

已日年公馬 所論要在八人工 でするである 意思の 文字等其於明 有其獨的漢字 是是不是所以於此 THE PARTY AND TH = 和部在 作米五 はなかれながない。 ないではないできませれる。 \$3.87.64.6.C 奇巧如龍跳天門虎臥 公法愈遠無益學者故

金ラリカノラ 褚遂良書如熟馭戰馬舉動從人而自有 陸東之書如喬松倚壑野鶴盤空 虞世南書如學休糧道士神格雖清而體氣回渡 迁 僧智永書氣骨清健大小相雜 余採隋唐至本朝書法得一十八家 陽詢 彼或 繩墨忽越規矩 也 在 作 去聲十 四渡甚謬回 如新座病人顏色憔悴舉動辛勤 隊 中 如十四五貴胄褊性方 種 驕 色 回 作波

卸 李邕書如乍富小民舉動崛强禮即生辣 俗 釋懷素書如壯士拔劔神彩動人而廻旋進退莫不中 張旭書如神野騰霄夏雲出山逸勢竒狀莫可窮測 昂然有不可犯之色 顏真卿書如項羽掛甲樊會排突硬弩欲張鐵柱將立 公權書如深山道士修養已成神氣清健無! 點塵

とこり声とち

書蓋景考

氣純白 祭襄書如少年女子體態妖娆行歩緩慢多節繁花 錢易書如美丈夫肌體充悅神氣清秀 華 楊凝式書如橫風斜雨落紙雲烟淋漓快目 沈傳師書如龍游天表虎踞溪傍神情自如骨法清虚 徐浩書如藴德之人動容温厚舉止端正敦尚名節體 鉛 周越書如輕薄少年舞剱氣勢雄健而鋒刃交加 D

気せん

石漬

張友正真作書如宫女插花婚嬌對鏡一作端正自然 已少鍾法丁道 護歐虞筆始与而古法亡矣柳公權 狂歌院落 こり見なら 四人 虞褚柳頹皆一筆書也安排費工豈能垂世李邕脫 不及遠甚為醜怪惡礼之祖世始為俗書 好飲書如五陵少年訪雲尋雨駿馬青衫醉眠芳台 (面惟尚真楷見之大小各自有分智永有八面 種嬌態繼其人者誰數有襄陽米芾 鳁 師

帖紛披老筆王安石少當學之元豐六年余始識判公 御史蕭誠書太原題名唐人無出其右為司馬隸南嶽 識者當自知之沈傳師變格有超世真趣徐浩不及也 官時發州碑也董孝子不空皆晚年惡礼全無奶婚有 子敬體乏纖穠徐浩晚年力過更無氣骨皆不如作郎 楊凝式字景度其書天真爛熳縱逸類顏魯公爭坐位 真君觀碑極有鍾王趣餘皆不及矣 鍾山語及此公大賞數其後與余書東皆此等字

多分世月日書

刻並無此也字 歐陽詢草書也字末筆倒麼不見所出余得貞觀御 大字促令小小字及令大非古法也 倫徐浩為顔真卿辟容書韻自張顛血脉來教顔真卿 唐人以徐浩書比僧虔甚失當浩大小 孫過庭草書書譜甚有右軍法作字落脚差近前而直 僧虔蕭子雲傳鍾法與王子敬無異大小各有分不 右軍三帖末後一帖也字乃歐法所出世之真蹟與石 こうし), Lin Ī 富重景考 偷猶吏楷也 府

此乃過庭法凡世稱右軍書有此等字皆孫筆也几唐 習米者但得其踰繩越契之風非善學柳下惠者也范 米禮部行草政用大令筆意稍跌宕遂自成一家後生 草得二王法無出其右 晚年放沒自成一家不復作此狡獪變化矣 **元章少時書法益自沈傳師後始入大令之室結體超** 用其筆意此帖元章模王獻之帖臨池用功如此 諸名家評米書

多方四月日書

成大跋 出於顏平原元章始學羅遜濮王諱讓書其變體出於 矣坡贈六觀老人詩云草書非學即自悟落筆已與周 本朝書米蔡為冠餘子莫及君謨始學周越書其變體 方丈六版壁所書與子敬行筆絕相類藝至於此亦 王子敬君謨泉州橋柱題記絕過平原元章鎮江焦山 ここりまだす 奴則越之書本甚萬也襄陽學記乃羅遜書元章 始效其作至於筆挽萬釣池若痛快處法豈能 售畫素考 Ā

河 多方四月日書 徐季海書惟此 故也是大不然米書超絕中自有妍美不專以險絕為 龔聖與曰評書家謂米書如快釼斫陣以其銛利無前 盘 膽錢移甫論書不取張友正米散余殊謂不然及見郭 能使半姿掩 工沈慶之貌如好女每臨陣必若假面而其威武所 @超較孝子碣老重然終非王家苗裔也項見蘇 那 抑 不露此英雄之能事也 種有右軍父子筆法而無俗氣 如開

大皇**司軍七書** 忠恕叙字源乃知當代二公極為別書者也米襄陽芾 想見也今時論書者憎肥而喜瘦黨同而妬異智不夢 此本定州蘭亭土中所得石米元章拳入棠梨板者字 **黄魯直書適端米元章書俊拔薛道祖書温潤** 填非古也昔捐書欲如水月鏡像者故應廓填乃造徼 摹逸少平章帖筆趣翩翩固自住但肆筆搦放殊不廓 耳黄伯思跋 肥骨肉相稱觀其筆意右軍清真風韻冠城一 書畫景考 時 可

金发电压 蔡君謨所摹右軍諸帖形模骨內鐵悉俱備莫敢踰軼 勢亦窮於此然亦似仲由未見孔子時氣象耳山谷 矣玉峰陸友題 米襄陽書政如黃太史作詩之變芒角刷掠求於石蘊 米海嶽書如快劔斫陣强弩射千里所當穿徹書家筆 至米元章始變其法超越規矩雖有生氣而筆法悉絕 見右軍脚汗氣豈可與言用筆法耶 始則幾有其學魯獨居男子於薛道祖見之 とこれ

足已日日上二 韻而失其形似作云氣韻形似俱尚 大者于公寧不娘乎 張雨云元章學王書而變薛河東學王書而不變 日今不建古多矣遂以刻本完之公之翰墨為國朝 因取刻本摹榻以補其關凡易五七紙終不如意乃嘆 陶宗儀稱趙文敏偶得米海岳壯懷賦一卷中闕數行 且猶服善如此近有一 (臨摹古蹟得其形似而失其氣韻米元章得其氣 书蓝荣考 等人僅能點畫如意便自誇 者 第

日峰録一 矣 子瞻似顏平原故極口平原魯直效塞鶴故推尊塞鶴 教序而波法特佳識者當自若眼也陸深 南宫與看山豫章前陽擅里宋室近時學者寡師王氏 海岳書于晉人最有功故其淵源萬于宋一 原草似楷然自有草李北海楊凝式及元章魯直無楷 **元章出褚河南故袒左河南河南楷似行然自有楷平** 卷記惜其起語處損缺數行行筆則規模 卷二 跋 代此為慧 聖

銀牙口屋有意

外取姿韻余當評其書如兒駒試風劔俠入道此卷為 米南宫真蹟妙得晉人筆而以神俊發之往往于結構 誤人耶昌言請識跋稍附爾爾異時諦觀著力或得畦 覺法度森出與尋常之論大異高陽憑幾人口不幾于 宗祖必先事四家為襄陽之學者大抵步入狂很允明 とこり ラートラー 固亦願學而資力無乏乃不易耳而亦不易以語人此 天馬帖為梁溪錢氏世藏其孫昌言出示舒號未終弟 二當為再議以易此語枝山 書畫原考

金发四层石膏 韓擇木此諸人書非不工也而溷古人之淵源教俗士 蒙法之壞肇李监軍草法之弊肇張長史八分之俗肇 楷南宫傅系其後而記以歲月云 友人李子所藏前一 又云黄長唇有書學而無書才米元章有書才而無書 精不失褚河南懸腕法余變玩久之乃以王履吉小 東觀餘論 伯思論 纂雲林 子黄 紙是其本色实实有生氣後 書

之纖麗學便可至而大勢失矣彼觀鐘雞文識漢世諸 世傳諸為武侯對蜀昭烈語及豹奴等童帖皆逸少書 之升木於書家為患最深夫策之方稳草之顏放八 碑王索遗蹟寧不少损乎此可為知者道 罕為之近世遂窈然無閗葢去古既遠妙指弗傳幾至 其書中觀之過正隸遂矣隋智永又變此法至唐人絕 章草惟漢魏西晉人最妙至逸少夔索靖法稍以華勝 也蕭景喬出師頌雖不迨魏晉人然髙古尚有遺風自 2211 211 高點原若

字不可告以天下之妙也 心者契妙寧可以不踰矩少之哉若懷瓘者以形模求 於沢絕然世豈無人顧俗眼未識耳 十七帖長丈有二尺貞觀中內本也几百七行九百四 因陋就淺徒足以障拙目耳若逸少草之佳處益與從 意謂其拘法度少縱故也予謂草之狂怪乃書之下者 張懷难論書以會稽草書第八在世将茂弘輩諸人 三字说少草書中烜赫著名帖也文皇帝購二王書

銀穴四月全書

|大王草有三千紙率以一丈二尺為与取其蹟以類相 軸首白檀身紫羅標織成帶開元皇帝又以開元兩字 從綴成弓以貞觀兩字印印之褚河南監裝率多紫檀 肅二子未見餘皆得家範而體格不同是善學逸少書 十七字故以名凡二王書後人亦有取帖中一句語稍 印印之尾列當時大臣名此帖號十七帖者以弓首有 王會稽七子皆能書凝操微淡獻五人書蹟具傳惟玄 異者標為帖名大約多取卷首及帖首三兩字也 , , , ,) . . . 1.1.6 野野歌

古能大能細大較雖祖效都法筆力規矩無於二王許 勃峰勢殆非人工所建長史章草乃能而正書古拙隱 樣書乃是學楊字體勁利偏善寫經畫符與楊相似鬱 **陶隐居集楊許三傻君真蹟論云楊君書最工不今不** 得臣義躍得臣酒書亦猶是也 者也猶顏延年對宋文帝自謂竣得臣筆測得臣文奠 居昔見張道恩善別法書數其神識今觀三君蹟 畫皆望影懸弓自思非智藝所及特天假此鑒令有

銀坑四库全書

遭表氣文物從永嘉來自北而南故妙書皆在江左 遺蹟也今人罕能辨之於戲妙識遠矣知音益稀安得 真人行書帶名六行觀隱居之論想見其清致也惜哉 書苑云唐文皇製聖教序時都城諸釋変弘福寺懷仁 隐居輩與之論書哉 以顯悟耳三君書蹟今無復有獨唐實泉述書賦著楊 今亦弗傳矣隱居書自竒世傳畫版帖及瘞鶴銘皆其 . Ja 1 7. Lin 199/ 魏北齊人書洛陽故城多有遺迹雖差近古然不脱 書畫景考 +

洛人好楊凝式少師書信可傳寶但自唐中世來漢晉 夫玩此者少然學弗至者自俗耳碑中字未當俗也非 書法不傳如凝式輩所祖述者不遠會籍父子筆法似 深於書者不足以語此 目其書為院體由唐具通微兄弟已有斯目故今士大 近世翰林侍書輩多學此碑學弗能至了無髙韻因自 碑中字與右軍遺帖所有者纖微克肖書苑之説信然 集右軍行書勒石案年方就逸少劇蹟咸萃其中今觀

銀片四月全書

Ņ

耳 近世書人惟章申公能傳筆意雖精巧不迨唐而筆勢 喜從申書集古録屢言之殊不知從申乃效子敬書 紫陽先生李含光碑乃張從申書李陽水題歐文忠不 超超意出褚薛上矣比來襄陽號知古法然但能行書 ここりま とよう 有東晉風尚唐人知書者多故見重於世今人反此 不如是洛人得楊真蹟夸詡以為希珍所謂子誠齊 公初不開法書則從申之迹見棄宜矣 酱酱聚等

謂從申也又云從申近古所無恨於聞見不多右軍之 過也 書始云從申結字鎮密近古未有弟從師從義從約並 失真世言其揭本與真蹟同然比李建中周越輩則小 正草書不工愛觀古帖而議論疎闊好養古帖而點畫 名楊海内厥有季弟功夫少對右軍風規下筆斯在李 工書皆得右軍風規時人謂之四龍書賦以張氏四龍 步不窺子觀從申雖學右軍其原出于大令筆意

多方四月全書

與李北海同科名重一 昂太過又真不及行耳然唐人而有晉韻殊可佳尚 化待詺所摹為勝世俗不知爭購祕閣本誤矣 玉局翁云希白作字自有江左風味故長沙灋帖比淳 白秦同書文丞相斯作倉頡篇中車 ф 申有 傅 第三 云 **黄長唇跋章草急就補亡後** 1.1. 從 人义 þ 凡 云 從 李謂從申 師從 時宜不虚得但所短者抑 哲盤承答 **镜從約當** 不 可晚 府令趙高作发 也考 ١Ŀ 為 += 游 正義 州府 鼷

銀定四库全書 家為真皆章草書而伯英本祗有鳳爵鴻鵠等數行至 故也其文雖出小學家而亦西京文氣未衰之際詞致 凡將以上不可復見特急就存馬者以昔賢多喜書之 游作急就篇皆書林之文苑欲識字者不可不知惜哉 靖所書乃有三之二其闕者自好縛而下緩七百五十 人王會稽等篇本備加詳數今世所傳惟張芝索靖 雅馴故頹籀賞其清靡籀注此書當得皇象鍾繇衛夫 篇太史敬作博學篇至文園令相如作凡將篇黄門令 贝

本朝承五李之後無復字畫可稱至太宗始搜羅法書 予遂手揭一通陶隱居謂之填廓書近世謂之雙鉤書 備盡求訪當時以李建中字形瘦健始得時譽猶恨絕 字此本是已益唐人幕而弗填者神韻筆勢古風宛然 華騮終以駸駸不為絕賞繼以蘇黃米薛筆勢瀾翻各 無秀異至熙豐以後蔡襄李時雍體制方如格律欲度 益欲知筆徑所自故爾 こうりいここう 南宋思陵翰墨志餘 話藍素秀

銀好四库全書 **草誠入能品以芾收六朝翰墨副在筆端故沈著痛快** 有趣向然家鷄野鶩識者自有優劣猶勝泯然與草木 六朝妙處醞釀風骨自然超遊也昔人謂支遁道人變 法者不過得外貌髙視闊步氣韻軒昂殊不究其中本 米芾負能書之名於海内其真楷篆隸不甚工惟於行 如乘騘馬進退裕如不煩鞭勒無不當人意然喜效其 同腐者耶 馬不韻支曰貧道特愛其神駿耳余於节書亦然

木錦標號白玉珊瑚為軸松在內府用大觀政和宣和 蔡京梁師成黃冠等編累真廣備成卷帙皆用皂灣鵲 本朝自建隆以後平定偕偽其間法書名蹟皆歸於府 先帝時又加採訪賞以官聯金帛至遣使詢訪殆盡命 好事者并壁匣寘坐右以為清玩 其身名其知與書法俱高矣在洛中往往有題記平居 測也其筆札豪放傑出風塵之外歷後唐周漢卒能全 楊凝式在五代最號能書每不自檢束號楊風子人 ころうう たたう Ī 書起歌号

卷體裁用筆竊效胸亭 皆宸翰也舍此標軸悉非珍藏其次儲於外似余渡江 意作小楷日進日他日當有知我者公家傳云楷法 褚遂良正行全法右軍洛都表氏家遂良書帝京篇 山谷遊荆州得古本蘭亭愛玩不去手因悟古人用筆 無復鍾王真蹟矣 其間法書以泰聖書法為實後有內府印標題品次 桑世昌澤卿論蘭亭法習

銀片四月日書

後生若以余說學蘭亭當得之魯直題 心而不自悟其醜也余害觀漢時石刻篆隸頗得楷法 子瞻少時學蘭亭極道婚中年以來筆墨重實李北海 **始自成一家** 觀書似相家觀人得其心而後形色氣骨可得而知也 未足多也 今時學蘭亭者不師其筆意便作行勢正如羨西子 j 董追為張潛夫書官法帖 1.1. お成果号 ł,

當著奉韶時其所模掛皆略放其大體而私以筆畫成 校其字畫皆硬黄模書至有墨色湮落或以重墨添暈 書入石又以翰林待記王著墓字求其書法之外各有 書者託也岩求于方直横斜點注折旋盡合于古者此 古人大妙處不在結構形體在未有形體之先其見于 決礎鉤剔更無前人意皆著之書也其後得祕閣墨書 異處殆不可得至于行筆利鈍給字疎密時可見之然 正法之迹爾安知其所以法哉淳化中部以祕閣所藏

銀炭四库全書

評定書畫至于放言立論更無疑處此與觀景而論形 騎驢駸駁從度聯鰡今視官帖二人書畫雅有相類處 謂不減已落筆揮毫有郢匠成風之勢王沢書獻之謂 神以為某勝某劣何以異哉 少真而模傳者遂成一體也今人不知其故憑石本便 而治更自劣弱珉書則與子敬更不可辨皆硬黃為 之宜其用筆客無古人遗意不足異也觀王洽書逐 こうし 董追論唐經生字 1.1.1 蕃蘆原考 ナセ

遺文可以得之每為一畫則三過筆至波勢則偃筆從 書法要得自然其于規矩權衡各法有成不可通也 倘 字字有同處創為别體若其垂露懸針鎚石釵股諸體 定若一切東于法者非書也世稱王逸少為書祖觀其 為勢上勁側中偃下潛挫而趕鋒樂殺論熊字謂之聯 後世論書法太嚴尊逸少太過如謂黃庭清濁字三點 于駿發陵厲自取氣決則縱釋法度隨機制宜不守 有至于神明煥發絕塵掣影則不謀自合此其貴也 至

釼

坟四月在書

3

飛左揭右入告誓文客字一 是亦未尝求于古也 此類者豈復有書耶又謂一合用二無三解橛四平分 少未必能合也今人作字既無法而論書之法又當過 こうううこけう 如此論書正可得唐經生等所為字若盡求于此雖逸 真耶後世于書既失眼目而摹揭轉為則雖欲如古 、論書要識書家主人則妄誤者故常奴爾亦何至 董過為邵仲恭書寶童集 勘量原若 飛三動上則左竖右揭

榖 者 作幡紙晉宋多作麻紙而隋唐用經紙今世所見晉宋 世先後其間甚偽者可以辨至工于臨榻而得舊絲紙 帖多作經紙硬黃此于真偽可以不論也余見祕閱寶 紙 紙要自有法故以練帛依舊書長短隨事截之則為幡 人懸斷真偽不復得也故害求辨其綠紙所因以識其 紙至裝汁涅染點治槌裝則為經紙自漢魏遺字多 | 対四月 則不能盡知服虔謂方絮曰絮益漢紙如此古人 以生布作紙絲理維治故名麻紙以樹木皮作紙名 生電 T . 治

者當時所臨捐者也不知公家何處得此然有法度陵 驤迅快故知為能書也 李氏江南平始還內府今視其書與世所聞異矣勁特 貞觀入錄後散亡民間張河東初購得之五代入江南 章集悉經紙摹書然武后既復以賜方慶則留于御府 真遠矣雖况以春蚓秋蛇不謂過也麗正所藏益自唐 今世所傳蕭子雲書或見之碑轉相拓捐刻深畫重去 こうり 董道書蕭子雲別帖 1.11 哲學是果 考 +

銀近四月全書 無竒哉舊見魏鶴山取篆字施之行書常笑其自苦無 然豐狐之柱路扈當用之但胎毛非壯髮不知可用以 心用胎髮故得纖細不失或疑非免翰不足稱勁是 露筋絡求于纖瘦濃淡未當有遺恨也昔子雲作筆而 挺拔更無後世俗態筆蹟健瘦縈絲裹鐵屈折盡妙不 劉英伯好奇字六經自劉歆傅寫外無一 作筆否此余未考也 劉正夫論好奇字 難字豈可謂

故草書為又者即即也近年楊慈湖書心字又本心畫 益鶴山書鄉字從邑有效之者卿亦從邑不知卿從 其深者得之黄兽直自謂人所莫及自今觀之亦是有 歐陽文忠公作字如其為人外若優游中實剛勁惟觀 於字體則謬於經傳則乖不知何所取也 **昝目可喜何嘗顛倒横監自不可及若總如彼所自為** 雲字在邯鄲匐甸中曲折愈不相似自書學以來鍾王 2.17ラー ことう 朱文公論書 高影景考 -

銀定四月全書 則 恁敢斜則甚又他也非不知端楷為是但自要如此寫 衰下其為人亦然 體具八法行夫問張于湖字何故人皆重之曰也是好 好處但自家既是寫得如此好何不教地方正須要得 但 亦非不知做人誠實端整為是但自要恁地放縱道夫 及至米黄諸人出來便不肯恁地要之這便是世態 他是不把持愛放縱今本朝如蔡忠惠以前皆有典 何謂書窮八法曰只一點一畫皆有法度人言永字 10

見者自是起敬 不端也 字書古今誚之共父正色謂余曰我所學者唐之忠臣 坡公結字穩密姿態橫生一字落紙固可實玩而况平 蔡君謨書如禮法之士盛服齊居不敢少有舒肆之意 余少時喜學曹孟德書時劉共公方學顏真卿書余以 公所學者漢之篡賊耳余嘿然亡以應是則取法不可 ころううととう 張南軒論於蘇書 舊藍原考 Ŧ

銀近四月全書 公帖其間雖有壯老之不同然忠義之氣未當不蔚然 炎荒剛毅凛凛略不少衰此豈可及哉范太史家多藏 生大即如此竊害觀公議論不合於熙豐固宜至元祐 見於筆墨間真可畏而仰馬 初諸老在朝羣賢暈征及論設法與已意小異亦未當 語尚同可見公之心惟義之比初無適莫初貶黄州 毫挫折意在他人已為難能然年尚壯也至投光 陸務觀論法帖

是士大夫所藏蘭學悉然又謂樂毅論古本至一海字 洛神則不能矣其他如蘇子美周越近世如吳說輩皆 縱筆米光多曳筆若行草尚可使作小楷如黄庭樂毅 本朝書惟東坡魯直元章三家然東坡多臥筆魯直多 抵如此與申重九陸游務觀書 世傳中山古本蘭亭之湍流帶右天五字有殘闕處於 而止於是凡樂殺論亦至海字而止其餘妄偽變真大 こうこう こうしたり 倪正父評蘇黃米諸家書 3 善盡學考

多分四月全書 多不蕭散有美堂記畫錦堂記及荔枝譜諺所謂厚皮 子美泰淮海李龍眼米南宫吳練塘傅朔王逸老皆比 可以購 頗有二王楷法若他大小楷法則亦不免於俗而氣骨 朝中名賢書惟察莆陽蘇許公易簡蘇東坡黄山谷蘇 饅頭是也大抵楷法貴於端重又要飄逸難乎兩全不 不免於俗獨蔡君謨行書既好小楷如茶譜集古錄序 人故善書者尤以為難也 洞 天清録 卷二

規矩中特飄遊綽有晉人風度南宫本學顔自成一家 行不及真草不及行子美乃許公之孫自有家法草可 得意咄咄逼顏魯公山谷乃懸腕書深得蘭亭風韻然 ころうしょいけ 之室時作鍾體逸光草殆欲欺凌懷素或謂過之 亞張長史淮海專學鍾王小楷姿始遒勁可愛龍眠于 于側掠拏槌動循古法度無一筆妄作練塘深入大令 肩古人箭陽典重有法度許公無愧楊法華東坡草聖 **元鄭子經至朴篇** 書書が ÷

苦結絕之政始分能想之童中報于是養史氏仰觀俯 勒銘告成而功被萬世三代之末周籀蔚有竒秀篆隸 察以造六書通天地之幽祕為百王之憲章非天下之 人亡其書存古今一致作者十有三人馬子生千載之 飛天八會以前不可得而詳也皇頡以降凡變五矣其 至精其孰能與于此若稽古大禹既平水土鑄鼎象物 下每覽昔人殘銘斷碣未當不為之敎駁而三嘆也在 至朴散而八卦與八卦與而書契肇書契肇而篆籀滋

多好四库全書

9,.,

中唐獨蹈孔軟潛心改作過于李斯張旭天分極深渾 髙人之才一 得其道伯英聖工一筆書元常神妙于銘石王義之有 時便宜蔡邕鴻都石經為古今不刊之典張芝鍾縣成 專名擅作悉燔舊華天下行泰篆矣程邀祭衍隸佐超 政暴與天人之道壞亂極矣李斯適際其時陶埏偃仰 攸祖孔子採撫舊作緣飾篆文天授其靈創物垂則呂 然無迹足以儀表衰俗五代而宋奔馳崩隤靡所底止 ころううこうとう 發新韻晉宋能人莫敢響擬字陽水生于 書盡最考 1

祭襄殺然獨起可謂問世之傑也嗚呼書其難哉文籍 書雖不傳法則常在故執筆貴圓字貴方蒙貴圓隷貴 範造蒼頡博學諸書散落復盡然道在兩間法出於道 方圆效天方法地圆有方之理方有圆之象隷不隸吾 之來久矣能書者何闊希馬葢夫人能書也吾求其能 秦廢古學刀書不可行矣蒙恬書經胡母敬等剽掠遺 于夫人是以難也 殫學篇

多好四月全書

10 1.10 mil 2.10 中草書象篆隸八分相襟斯言古哉衛氏曰善鑒者不 起伏偃仰又題筆陣圖曰夫書先引八分章草入隷字 義之曰意在筆先字居心後存筋藏鋒滅迹隱端而分 比肩曰父作之子述之逸少無迹可尋獻之則未至也 不知其為書也紫真授義之其似乎或曰學者以二王 馬張懷瓘十法其成領之緒論乎禁經發諸家筆意背 書善書者不鑒又州李斯筆妙而分七勢可與八永參 抛引盛毒法超戈日清潤遲溫而左顧善於形容矣邊 苦盖承考 二十五

多方四月白書 虞褚深得書理信本傷于勁利伯施過于純熟登善少 幾法乎曰法則法矣然衆忌諱適足以累法真卿之劒 千載之下岂以行押相參後世能異百出岂作俑也歐 虞褚諸公若優乎曰古之銘石典重端雅使人與起于 乎陳旅之記能持論矣世稱李邕善題署然其銘刻歐 池陽冰之講臺縱橫生動不假修飾其署書之雄秀者 廣成子應侯僧一 側其用閣弥未善也蕭何韋誕其能署書乎或問 V 行釋徴熊卿葛氏諸作極論題署其

宋之名家曰錢忠懿杜祁公之流便蘇才翁倩仲之爽 末惟楊凝式有古人筆意曰中流失船一壺千金請問 殆闖其藩落者乎韓擇木韓秀實李善李儉綽有古意 峭蘇子瞻之才贍米元章之清拔加於人一 雅有負抱而有永與公之餘韻議者以退之為極疎厲 曰彼益不知九方歅之為相也黄山谷云書道弊于唐 太白得無法之法子美行之昌黎知其理而功淺子厚 開闔之勢柳誠懸其游張顏之間與乎徐李沈宋諸家 等矣蹈道

123.10 int /ith

古藍景考

二十六

或問祭京十之書曰其悍誕姦詭見於顏面吾知干 甚豐碑鉅刻散流江左追今書家尚祖餘習曰速勿為 之下使人掩鼻而過之也曰張即之陳讓之書一 景伯曰如法何具說張孝祥范成大法乎曰此而法天 所染如深馬雖盧扁無所容其靈矣人生不幸不聞過 則未也若夫魯直之環變劉濤諸人所不能及惜乎態 金分世月白書 之靡靡也然其真行多得於塞鶴問周越李時雅鍾離 下無法矣然則即之諸人其稱降乎曰吁磔裂塗地矣 卷二 時籍 載

然船與之方駕九地之下重天之巔乎然則高問亞棲 之譏過乎曰人無百歲之壽而有百歲之信豪傑後起 其愈乎曰吾論書不論像然抱朴稱皇泉為書聖陶真 逸有頑仙之論或問懷素草書隣於長史君謨有僕奴 大不幸無恥蘇氏有言曰書於魯公文於昌黎詩於工 也鮮能知味也夫張公者人龍也藐馬寡儔而素從策 相如於畢世之下齺然若合符即未達曰人其不飲食 部至矣或曰彼人耳若夫呂嚴鍾離權之塊雄神險不 ころこり ラー ととう 41.1

或曰朱元晦諸賢其簡畢乎曰道德之充乎中而溢乎 忘形以此玩世以此流名 然則張伯高行業未彰獨以書酣身益乎曰吾聞之精 之流數曰二僧跚若後矣程子之持敬可謂知其本矣 張公者東呉之精書之五伯再見伯英以此 養生以此 外也王子文書感與其幾矣書學何所止曰物身而 則盡善偏用智則無成聖人疾沒世而名不稱 造書篇

多方四月全書

卷二

之譜何夸乎曰語其細而遺其大趙伯與之辨妄所以 成文楷法深得洛神賦而攬其標行書詣聖教序而 趙松雪書筆既流麗學亦淵深觀其書得心應手會意 續考濫米羣言吾不知其然也黄伯思之論其自欺者 作也宣和譜石峻等書其誕章之尤者也蘭學及俞松 古今書品其效尤班因古今人物表與孫虔禮姜堯章 10.15 pt 1.45 虞伯生論子昂書 書畫業考 テナ

其室至於草書飽十七帖而變其形可謂書之無學力 黄庭曹娥東方朔贊小楷極精配入樂毅論雖差校不 右軍森嚴而有法度大令散朗而多姿貞觀以後書法 **表襄曰漢魏以降大抵皆有分謀餘風二王始復大蘇** 及然皆墨池鳳毛也 天資精與神化而不可及矣 周公謹論晉人小楷 書史會要

多方山月至書

卷二

害作小字如聚黍米如闕鍼鐵筆道而足法觀之使人 常米薛二蔡大出新竒雖皆有祖襲而古風蕩然思陵 清婉開元以後乃務重濁逮至王著始追蹤永師遠迹 趙令穰字大年宗室也游心經史戲弄翰墨尤工草書 至妙 手並脚之議大要探古人之玄微極前代之工巧乃為 筋骨過美具傅朋姿始傷妍姜堯華太守繩墨則胎义 とこり 日本日 二王不失古人意度君謨特守法度者山豫章一掃故 書畫原考 二十九

范懷約真書有力而草行無功故知贖簡非易 當與人書云小兒輩厭家難皆學逸少書及過江見右 金牙四五百言 軍所臨張芝東帖始大驚服以為神 張芝書如老松獨倚嚴壑錯落盤屈時飄飄風 虞世南書剛而能桑却任自然其清健皆可人意如山 目力茫然真可喜也 庾翼書少時與右軍齊名右軍後進庾猶不平在 明宋仲温手錄書法 5 見 不 絲 前 右 韻 都

驕色 鄧禹皆謀議帷幄决勝千里 褚遂良書善擇紙筆而意有餘如萬祖得張良世祖得 歐陽詢書周圍端正點畫停勻曾無虚設雖清硬中法 亦用力大過如楊雄大醇小疵山濤多可少怪 てこうえ 曲 士外夫塵俗抱琴獨咏王公一旦用之於朝曾無)書筆端巧妙格髙意遠論者謂之華嶽三峰黄河 こけず 書畫章考 <u>=</u>

拘文法 多灾匹好全書 内强勇故人謂之錦囊裹錐 蔡君謨書落筆嚴重則無害其為濁如筍攸外柔弱而 心而外合于馬志取道致遠而氣力有餘 柳公權書雖出自顏而意態自若如泰氏之御內得于 張旭之書奮思狂逸更無凝滯如龔遂之便宜足可無 米元章書筆鋒燦爛少奇多怪意到力寡正當逸處却 徐浩書無甚議論內重意徵幸然舉止精熟體不柔懦

女琰文姬姬傳魏相國鍾繇元常元常初與關枇杷學 書自蔡中郎難字伯喈於松山石室中得八角垂芒之 有懶筆如髙陽酒徒醉後便欲憑几 足已可是在的 至正丙午十月廿夜宋克為徐泰書此 秘遂為書家授受之祖後傳崔瑗子玉韋誕仲將及其 列于書評今仍之 右墨蹟一 吉水解縉書學傳授譜 冊應入書考仲温下珊瑚網刪去數則 書畫原考 ニナー

衛夫人傳晉右將軍王義之遊少遊少世有書學先於 書無以為比縣傳座征西異衛夫人李氏及其猶子會 其父枕中窥見祕與與征西相師友晚入中州師新衆 書抱續山師曹喜劉德昇後得韋誕塚所藏書遂過於 故庾征西始疑而終服謝太傅得片紙而寶藏冠絕古 山吏部濤阮並兵籍向侍中秀輩翰墨奇秀皆非其匹 登峰造極典午之與書家之盛若張丞相華嵇侍中康 **碑隷無崔祭草並杜張真集章鍾章齊皇索潤色古今**

銀分世屋石書

彦遠傳張長史旭旭傅顏平原真卿李翰林白徐會稽 善登善傳薛少保稷嗣通是為貞觀四家而孫虔禮過 虞世南伯施伯施傳歐陽率更詢信本褚河南遂良登 蕭子雲阮研孔琳之子雲傳隋永攸師智永智永傳唐 之獨擅殿美大令傳甥羊於羊於傳王僧虔僧虔傳梁 同鳴開元之間率更傅陸長史東之東之傳猶子彦遠 庭獨以草法為世所賞少保傳李北海邕與賀監知章 今不可尚已右軍傅子若孫及郗超謝朏等而大令獻

102日日から 1

甚直原考

之得南宫之傳而天資英邁積學功深盡掩前人超入 世王庭筠以南宫之甥擅名于金傳子澹游至張天錫 蘇舜欽薛紹彭繼之以逮南渡小米傳其家法盛行于 師軾黃太師庭堅米南宮芾粲端明襄卓然為時名家 邈張從申以至楊少師凝式凝式傳于南唐韓熙載徐 浩真卿傳柳京兆公權零陵僧懷素藏真鄔彤韋玩崔 **鉉兄弟宋與李西臺建中周膳部越皆知名其後蘇太** 元初鮮于伯機得之獨呉與趙文敏公孟頫始事張即 卷二

金月四月月

尼巴可臣 A等 图 孟舉孟舉少親受業子山之門介之以授宋克仲温而 得文敏傳授而太樸以教宋遂仲珩杜環权循詹希元 進猶及見之子山在南臺時臨川危素太樸饒介介之 其純和及門之徒惟桐江俞和子中以書鳴洪武初後 翰林仲弘得其雅健清江范文白公得其灑落仲移造 魏晋當時翕然師之康里平童子山得其竒偉浦城楊 在至正初揭文安公亦以楷法得名傳其子滋其孫 在洪武中仕為中書舍人與仲珩叔循聲名相埒云 君盖乘为 11+11

武丁卯 卒于洪武辛酉 米璲字仲珩金華人太史潛溪公仲子仕至中書舍人 臨 俞和字子中號紫芝熊者桐江人寓居錢唐洪武中以 宋克字仲温一字克温吳郡人卒官鳳翔府同知時洪 饒介字介之號醉翁華益山熊浮丘公童子亦曰介叟 金为四月百里 川人游建康丁仲容壻畜之後卒于姑蘇時歲丁未

辰 謂與克同受學紹與老僧云 幼從父官勝國至洪武初為鑄印副使後卒官中書舍 **詹希元後更名希原字孟舉新安人號逸巷丙寅訥叟** 杜環字权循爐陵值夏人卒官水部員外郎時洪武戊 揭樞字平仲豐城人 胡布字子申旴江人一字建民得書法于宋克一云或 ここうしま とこう 三十四

銀穴四母全書 鍾繇書如公孫碩膚赤舄几几王右軍如子之燕居申 順三年春三月王佐識 綱書之而流落他家今為南京刑部尚書楊寧所得 右此文後有春雨二字用硃界行表白紙寫或正或 余又得先生游絲字二幅於陝西泰府因併識之天 行最為神妙葢先生下錦衣獄春雨必為指揮使紀 右墨蹟仍汪氏列書評 春雨齊續書評儿二十

被於鼓琴歐陽詢秋霄健翩峭壁雙清褚遂良披沙揀 申天天智永瑶臺雲鶴髙標出羣虞世南如重華在位 悦澤綿裏藏針蔡端明方正嚴楷土偶家金趙文敏神 從申有入木七分之氣吾當聞之子山云米南宮竒逸 關張長史風廻雪馳僧懷素雲行雨施李北海樓臺映 金薛少保寒機夜織顏真卿五丁鑿路柳公權一夫當 超邁烟雲卷舒黃山谷清圓妙麗引繩貫珠縣東坡豐腴 日花木逢春徐會稽怒猊渴驪藏稜出力坡谷言難張 三丁五 白江 一個人 書道景考 三十五

中 駕海饒介之下莊剌虎功倍力省宋克鵬搏九萬須仗 明英傑儀鳳冲霄祥雲捧日康里子山雄剱倚天長虹 重俞紫芝臨摹子夫擅龍杜权循真書清風蘭雪胡子 扶摇宋仲珩龍駒鳳雛神彩巳具詹希元署書冠冕莊 錄垛 虞集如鹵簿禮官贊道應節結束丟姿稍遠大雅鮮 珊瑚碧樹頗謝琮璘揭平仲旱蛟得雨秋鷹入雲 祝希哲評勝國人書

釗

方

世月百言

侍明光 如疊覺層城不勝沈實饒介如時花沐雨枝葉都新張 してこりま とよう 典型宋克如初筵自桑忽見三代解縉如盾郎執戟列 楊維楨如華譯夷語自墮侏偶陳璧如有岩據坐尚有 雨如道士熊詞雖禮而野倪瓚如金錢野菊略存別韻 樞 顏真卿黃庭經楷而不小褚遂良西昇經小而不楷 如三河壮俠長袖善雞豪輸自擅時落開俗鄧文原 論楷法 勘监景考 ニナイ

匀耳 蔡書近二王其短者畧俗耳勁淨而勻乃其所長 蘇長公書專以老僕勝不似其人之瀟灑何耶 黃山谷書如剱戟構密是其所長滿散是其所短 錫京四月全書 孟頫雖婚猶可言也其似算子率俗書不可言也當有 米南宫書 君欲靜二臣欲平三佐四使以次短小此小法也 徐文長評字墨蹟 種出塵人所難及但有生熟差不及黃之 W.

倪瓚書從隷入輒在鍾元常薦季直表中奪舍投胎古 評吾書者以吾簿之豈其然乎 てこうえ 雷太簡云聞江聲而筆進噫此豈可與俗人道哉江聲 章稍逆而近分索則超而做篆 吾學索靖書雖梗概亦不得然人並以章草視之不知 而始密而散未可以近而忽之也 分間布白指實掌虚以為入門迨布勻而不必勻筆態 入淨靜始天下無書矣握入節乃大忌 2.4% 高畫豪芳 ニナモ

據先生評各家書 即致各家 多分四月全書 之中筆法何從來哉 樂殺來無間然矣而獨收其行書早朝詩十首豈後人 亦縱然非甚合作而雅宜不收一 祝京兆書乃今時第一 隆慶庚午元日醉後呼管至無他書漫評古人何足依 體字畫奇肖傳有石文 右墨蹟仍汪氏列書評 又跋停雲館帖 王雅宜次之京兆十七首書固 字文老小楷從黃庭

之便是小推張不知獻之自謂云何又云張字形不 比之種張鍾當抗行或調過之張草猶當應行然張精 云頃尋諸名書鐘張信為絕倫其餘不足存又云吾書 之傳則必服膺義獻今合諸家之論可以類推王羲之 書家者流稱鍾張義獻古雅之士往往左祖鍾張華俊 愛翻其刻者詩而不及計較其字耶 ここう見いす 池水盡墨假令寡人耽之若此未必謝之羊欣云義 王元美藝苑評 書畫素考

過之之論後生遂爾雷同元常謂之古肥子敬謂之今 武帝云世之學者宗二王元常逸跡曾不睥睨義之有 學元常者如盡龍也陶貞白答梁武帝云伏覽書論使 逸少至學鐘書勢巧形密及其獨運意陳字緩又子敬 瘦張芝鍾縣巧趣精細殆同機神肥瘦古今豈易致意 右軍自然不如小王謝安當問子敬君書何如右軍答 之不迫逸少猶逸少之不迫元常學子敬者如盡虎也 云故當勝安云物論殊不爾子敬答云世人那得知梁

多分四月百喜

告論書一卷商客筆勢洞達字體又以逸少不及元常 其間則王科顯然可觀又云比世皆高尚子敬海內非 猶子敬不追逸少因此研思方悟隷式始變子敬全法 思者必當你贊踴躍有盈半之益蕭子雲上武帝啓云 惟不復知有元常於逸少亦然今奉此論自舞自蹈未 元常光骨更蒙樂造子敬懦肌不沈夜泉逸少得進退 臣昔不能拔賞隨世所貴規模子敬多歷年所始見物 足逞泄日月顧以所摹寫示洪遠思曠此二人皆是拘

P 三日 10 10

萬畫原考

之唐太宗云鍾雖擅美一時亦為迎絕論其盡善或有 夫次之王工夫不及張天然過之天然不及鍾工夫過 多分四屋台書 蹤拘束若嚴家之餓隷其枯樹也雖搓拼而無屈伸其 雖有父風殊非新巧觀其字勢缺瘦如隆冬之枯樹 則古而不今字則長而逾製語其大畧以此為瑕獻之 所疑至於布纖濃分疎密霞舒雲卷無所問然但其體 餓辣也則羈贏而不放縱詳察古今研精篆素盡善盡 元常庾肩吾云張工夫第一天然次之鍾天然第一

美其惟王逸少乎觀其點畫之工裁成之妙烟霏霧結 之筆礼雖復粗傳楷則實恐未克箕裘是知逸少之比 專工於隷書伯英尤精於草體彼之二美而逸少無之 倦覽之莫識其端心慕手追此人而已孫過庭云元常 狀岩斷而還連鳳耆龍翔勢如斜而反直翫之不覺其 ここうえ 張懷瓘云若真書古雅道合神明則元常第一若真行 擬草則餘真比真則餘草又云以子敬之豪翰擅右軍 鍾張則專博斯別子敬之不及逸少無或疑焉 LILL IN 島藏景考

多分四月分書 盡美矣未盡善也逸少可謂韶盡美矣又盡善也 伯度第一 令心也人謂右軍内據故森嚴而有法大令外拓故 文再評大令大損若唐文之論是偏好語不足以服 宋齊之際右軍幾為大令所掩梁武 山谷云右軍似左氏大令似莊周 妍美粉黛無施則逸少第| 其間偷精諸體唯獨右軍次至大令然子敬可謂武 **岩童則勁骨天縱草則變化無方則伯英第** 1 若童草古逸極致髙 評右軍復伸 深則

中州則有鍾元常胡孔明張芝索靖並用古體俱足周 事飄乎若起鴻之乘勁風騰鱗之躡驚雲 大令之於右軍真父子耳不可稱伯仲也 **欣書以右軍跡涉輕做多所不好休獨重之自是右軍** 按南史謂劉休者與王僧虔同省而是時海內俱習羊 抱朴子曰呉之善書者則有皇象劉纂岑伯然朱李平 朗而多姿法自無姿姿不能無累法也後人學右軍終 不能似大今已自逗漏李北海蘇看山趙吳興筆然則 C. 17 ... 7. 1.17 書畫乘考 当十二

多方四母全書 羞澀是以文皇抵子敬為餓隷而學敬元者時人譏 舉 體充悅然拖沓不可耐而評羊於如婢學夫人舉止 始定矣羊欣學子敬者也故武帝評子敬為河朔子弟 得梁武而著得唐文而後大定猶之顧愷之盡亦至唐 之書復盛後至梁武時陶貞白尚云比世皆髙尚子敬 之與沓拖子弟一瘦一 為重僮子敬餓隷敬元成重儓矣然同一人書也餓隷 不復知有元常進少亦然然則右軍之書得劉休而振 S. 肥好乃太相抵牾欺 卷二

武帝評蕭思話書仙人喃樹而張伯英如漢武好道 虚欲仙欲仙尚未仙也漢武欲仙則又去仙遠也伯英 寺主臨池之趣全在鍾也及考實泉述書賦髙祖 居所云元常朽骨更蒙樂造子敬懦肌不淪長夜又武 **梁武始重元常而下子敬特許逸少躑躅其問觀的** 乃不如思話乎 云逸少學鐘勢巧形密及其獨運意疎字緩然則太) [, 厥躬泯規矩合童蒙張懷瓘書品云狀貌亦古乏 1. 1.5 自動のおき 型十二 叔達 隐

中之骨不究批中之趣則鍾降而笨不得放中之矩不 武帝評鍾司徒字有十二種意外巧妙絕倫多竒後又 於筋力既無竒姿異態有減於齊高然則梁武帝之聲 輩題評以十二種意外歸之太傅吾竊非之載閱繇父 語以為不應重下評意所謂司徒者繇子會也及覧前 有鍾繇書如雲鶴遊天羣鴻戲海行間茂密實亦難過 得變中之權則張降而俗矣吾向者閱隋僧智果書梁 價不振實以學元常之故也學鍾張殊極不易不得柔

銀定四庫全書

若飛 鴻戲海舞鶴游天等語益重贊之也此外又有武 とこり日本日日 一 帝觀鐘繇書法十有二意云平直均密鋒力輕快補損 者必會矣然又以梁武與陶隱居論書至數十往復皆 子本傳錄不為司徒會加司徒雖尋伏誅而所稱司徒 法正謂繇也吾家蓄太傅薦季直表黄初二年司徒東 巧稱字外之竒文所不書然則袁昂之稱司徒十二 云乃在啓内動旨具云如卿所評臣謂鍾縣書氣密麗 不及會不應稱之若此及閱袁昂本文所謂十二種云 书温景考

武亭侯益是時華散解疾縣實轉司徒四年遷太尉而 散復代之史有脱漏故耳二者實可相證因記於此 多为四人人 在肉中趣在法外緊勢游力淳質古意不可到故智永 鍾太傅七十六其子司徒僅四十五右軍五十九子 伯施尚能繩其祖武也歐頗不得不變其真旭素不得 右軍之書後世幕做者僅能得其圍密已為至矣其骨 假之年有小變而不能有所加也 令四十三天假以年不果勝尊公乎曰不爾格已定矣

肥難用修此語未必能真知書者筆肥則結構易密筆 楊用修云張旭妙於肥藏真妙於瘦以予論之瘦易而 伯施有書學而無書才顛旭狂素有書才而無書學河 南北海有書姿而無書體平原誠懸有書力而無書度 得不生碧光高問顏柳之餘不得不生即之溥光智永 非謂積習也乃淵源耳 顏書貴端骨露筋藏柳書貴道筋骨盡露旭素之後不 不發其草永施之書學差勝筆旭素之書筆多學少學 高盛原考

法實 肉也 變也 變右軍柳公權變歐陽此殆是藝語白雲先生何人 勁勁近古肥易豐豐近俗耳伯高之所以妙在肥而不 僧亞栖云書貴能變方自成家王右軍變白雲歐陽 則結構易疎此瘦難而肥易也唯是既成之後瘦近 有書跡存世益右軍偶一言之大抵託辭耳歐陽書 **褻然非褻右軍若柳之於歐法少變而意故** 亦 訽

RADDINAL LIAMS 18/ 甚佳未及見之 耳而余見其一二行皆不甚合作聞朱象玄有韭花帖 謂可繼顏魯公釋懷素楊於今隸極批魯直所推行並 五代時楊少師凝式黃魯直極重之謂為散僧入聖又 觀古鍾鼎銘科斗篆而草聖不愧右軍父子易有云引 見字斯曹喜篆祭邕隸八分於是楷法妙天下張長史 山谷云王右軍初學衛夫人小楷不能造做入妙其後 而伸之觸類而長之天下之能事畢矣

淳古黃山谷大書酷做產鶴狂草極擬懷素姿態有餘 大暢蘇文忠正行出入徐浩李邕學巢大書源自魯公 而微歌近碑側記行草稍自結構雖有墨豬之前最為 玉潤微勝水清蔡忠惠略取古法加以精工稍滞而 然不甚得法山谷評待的如小僧縛律西臺如講僧 宋初王待部者宋宣獻李西臺蘇參政皆稱名書家者 多为四月五月 耳杜祁公蘇長史皆學懷素杜瘦而生蘇瘦而弱第覺 禪然待的猶有晉人意范文正伯夷領見推亦以其人 W.

被人 敬元為大令門人妙有大令法者也中齊之季時人 **儀度少乏米元章源自王大令褚河南神采弈实射** こううう 宋齊之際人語曰買王得羊不失所望益時重大令而 曲筆終京卞兄弟皆擅書名御府法書墨妙皆其評 山谷推王文公書似楊少師童惇有鍾王法談者以為 終愧大雅是四君子者號為宋室之冠然小楷絕響矣 曰買褚得薛不洛節葢時重河南而少保為河南甥妙 《縱極八法無取一長 况未必耶) . A.I. ある最景号 四十六

北海 尚自隔塵以此知古人不可及也 多好四月全妻 名世北海傷佻然自雅文敏稍稳然機俗酱山亦嘗學 李北海在唐人書品中不甚烺烺而趙文敏法之便自 有河南法者也二事可謂切對 風行草偃輕之也至矣今所書書譜令後人極力摹倣 九章出褚河南故左袒河南河南楷似行然自有楷平 ,瞻似顔平原故極口平原魯直效瘞鶴故推尊 不如其學平原也孫度禮書書述謂其萬字 頖

米元章有書才而少書學黃長唇有書學而少書才以 脩堃而開元中滑臺人家用右軍扇書臨宣示大令臨 右軍臨白騎遂帖為大令臨益不惟太傅宣示已殉王 故評隲古人墨刻真贋亦有相牴牾者然長睿引證各 原草似楷然自有草李北海楊凝式及元章魯直無楷 白騎二帖應募入内府其事甚明謂長風帖為逸少小 有據依不若元章之孟浪也如謂鍾太傅尚書宣示為 1. 1.1 新拉思明時 315

銀定匹库全書 宰相安和噉豆鼠伏想嫂等闊別稍久不得臨川初 此 帖為唐髙宗衞夫人帖為李懷琳褚遂良甥無薛八侍 妙或即其人其事駁之俱當他如辨江叔及藝鰛多才 復面悲積嫂等帖皆非真或以辭氣太凡或以書法非 年未變體書益以右軍別帖有長風范母子語可證也 公故爾月半邊欲遺書大令玄度時來極熱敬唯服 二日至前從洛白耳鯉魚夫人蔡家大小悉佳闊轉阮 外辨右軍自造得書至慰馳竦耳酸感至此加下鄉 月

米元章以閣帖張伯英知汝殊愁及大令吾當托桓 州為張伯髙書黄伯思亦斷以為然而云數往虎丘祖 法安知非大令縱筆耶而必於伯髙也及考張懷瓘書 有事理真書家董狐也 右軍備官而行為唐人集右軍書賈曾送張說文皆妙 辭耳按此帖既有祖希時面語與疾不退至分張同結 希時面祖希張玄之字大令時人以為伯髙書二王帖 こうしりうこう 山河帖為枯樹賦中語李斯書為陽水裴公碣內字 愚蠢癖芳 四十八一 江

我好匹库全書 伯英殊愁體太今而乏古大令疾不退至分張筆過流 筆耶黃米懸斷為伯髙不若吾之懸斷乎愈光也 臣無二王法恨二王無臣法然則此書又安知非張融 也而揭本大行於世又按融本傳嘗對孝武帝曰不恨 有鑒不至者深見其有古風多誤寳之以為張伯英書 而少節或以此疑非二公書可也元章論書見右軍稍 稱張融正無諸體於草尤工齊與之際殆無以過或 而逸者便以為子敬見伯英近今者與子敬近縱者

7

英也又云伯英剏為今草天縱尤異率意超曠無惜是 懷瓘明言章草之書字字區別張芝變為今草拔茅連 非至於蛟龍駭獸奔騰拏攫之勢心手隨變窈冥而不 **數意無包唯王子敬明其心指故稱一筆書者起自伯** 站上下牽連或借上字之下而為下字之上奇形離合 便以為伯髙藏真愚又推黄米之肯謂伯髙僅有章法 とこりは とから 知所如又云子敬如蹴海移山翻濤破嶽懸崕墮石點 而無變法子敬僅有破體而無狂草則不敢信也按張 書畫原考 四十九

|益伯高時有肥筆渴筆不若是之勻和也若托桓江州 安其章草法有銀鉤蠆尾及考陶隱居解真碑云幼安 **山碑云管寧銀鉤之敏是也余固知其誤按索靖字幼** 知其銀鉤之敏又引管寧別傳云寧字畫若銀鉤及茅 楊用修云古人例多能書如管寧人但知其清節而不 右軍雖結構緊密而變化靈異又不可以一 電遗光此豈非草聖之極耶及前後書亦未必似伯髙 書又多逸少語子敬亦不合書之覺思光為近至於 節為拘也

銀分世屋有書

Caronal Little 19/ 虞伯生謂坡谷出而魏晉之法盡米元章薛紹彭黃長 誤以劉德升為劉景升而云即表也表初在黨人中俊 **由而不知其字畫之工註見草書韻會當是時劉聰劉** 安用修誤以為寧遂倂其姓名改之耳考寧三國志註 厨顧及之列其人品之高可知此尤可笑 曜皆能書而聰之稱由大出曜上俱見本載記用修又 有髙士傅傅子諸書俱無銀鉤語又云劉曜人知其獰 銀鉤之敏允南風角之妙正謂索靖也益管寧亦字幼 古盖原考 ž Ž

世遂不傳米氏父子最盛行舉世學其奇怪弊流金朝 多方四月全書 給彭號翠微居士余有其詩數紙緊密藏鋒得晉人意 此語大自有理又獨稱吳説傅朋書法深稳端潤非近 多皆隨分贊數圖來者稍知正法今傅朋書世遂少見 時怒張筋脉屈折生柴之態且謂至呉越見傳朋書最 **廥諸公方知古法而長廥所書不逮所言紹彭最佳而** 而南方獨威遂有張于湖之險溫張即之之惡謬極矣 風韻耳

老者善篆與八分其命名乃欲抗右軍不知何代人疑 是行筆非真筆也 鐵圍山叢談謂其父京善榜書妙出四家之上此雖曲 しこうりき とれっ 書殊有旭顛轉摺態宣和間進所作草書內庭稱之用 筆然亦必有可觀者米芾元章自負以為前無古人然 修似未之見新鄭髙少師拱藏東坡草聖醉翁亭記并 即文東也按陶九成書史王升字逸老號羔羊居士草 用修又云南唐王文東工小袋不在二徐下又有王逸 茜兰录考

黄庭洛神于精工之内時有俗筆碑刻出李北海北海 自歐虞顏柳旭素以至蘇黄米蔡各用古法損益自成 骓 近俗吾斷以為逸老書益南渡以後諸公不能辨此元 石本跋細閱無一坡法而渴筆道逸飛動中有正書却 書之韵則太過然謂直接右軍吾未之敢信也小楷 却不作此結法也 他而勁承古稍厚而軟惟于行書極得二王筆意然 家若趙承古則各體俱有師承不必已撰評者有奴 卷二

錫京四库全書

寧以希白為錢易其孟浪殊可對也 比淳化為勝世俗不察爭訪閣本誤矣乃知潭帖勝淳 たこり 草とい 其有筆意而多率直無紫廻縹緲之勢楊以幼安為管 中間逗漏處不少不堪並觀冢吉可出宋人上比之唐 化多矣希白錢易也按希白乃潭州僧希白耳書家謂 人尚隔一 元人自趙呉與外鮮于伯機聲價幾與之齊人或謂勝 又引東坡跋希白作字自有江左風味故長沙法帖 含 书直景考 至二

多月四月百十 骨詎宜以汎爱推之也 機有韻而未成長人或許以得大令法何也元鎮以 庫子山有韻氣而結法少踈然是三人者呉與流亞也 筆作盡尚能于筆外取意以雅筆作書不能于筆中 頗適爽晚成惡札龔璛陳深輩皆長于題跋倪元鎮雖 而近弱張伯雨健而近佻柯敬仲老而近粗班彦功 虞伯生差古雅鮮于必仁朗朗有父風揭曼碩父子美 極圓健而不甚去俗鄧文原有晉人意而微近粗庫 E. 雅

部小楷時時出偏鋒固不特京兆何損法書解大紳豐 為談耳蘇黄全是偏鋒旭素時有一二筆即右軍行草 中亦不能盡廢益正以立骨偏取態自不容已也文待 裔辱家風者解大紳張汝弼非不圓熟而疎軟村野種 張即之非不遒勁而粗概俗惡種種可恨是顏柳之 正鋒偏鋒之說古本無之近來專欲攻祝京兆故借此 ここうらんち 乃爾可恨可笑 (育馬應圖縱盡出正鋒寧妝惡札不識丁字人妄談 番盖票考 本十二

之許下見鐘縣梁鵠書之洛下見蔡邕石經二體書始 信劉京是大漢西土是長安右軍少從丞相渡江北踪 蒼頡九篇相傳是李斯其第九童乃云稀信是陳稀韓 難離之而近者臨也合之而遠者摹也 銀分四屋石書 永絕其題筆陣圖云北游名山比見李斯曹喜等書又 臨書易得意難得體摹書易得體難得意臨進易夢進 種可鄙是旭素之重優壞家法者 知學衛夫人徒費年月王著集淳化帖有漢章帝

論十二章昔賢皆辨其妄然是六朝善書者擬作茍能 文字紙繆如此徒資温味 The 17 Ten Colon 人筆陣圖右軍題筆陣圖後及右軍筆勢圖一章筆勢 嗣撰不應右軍預有之然梁武帝命殷鐵石摹取右軍 **孫過庭云樂殺論則情多怫鬱東方贊則意絕壞竒** 熟覽思亦過半矣 法書中有王右軍千字文昔賢作笑端益知其為周與 千字命與嗣次韻故當有右軍千文非謬也又有衞夫 喜畫景考 五十四

逸神超私門戒誓情拘志慘愚謂此在覽者以意逆之 多分四屋名言 孫虔禮王紹宗李邕鍾紹京韋陟賀知章裴休于能吾 間 耳未必右軍作書時預有此狡獪也又一 庭經則怡懌虛無太師箴又縱橫爭折蘭亭之與集思 朱長文作續書譜而進石曼卿蘇子美于妙退裴行儉 天仙人洛神如凌波神女曹娥确如幼女漂流于風浪 禾敢信也 į. 卷二 云黄庭如船

懷琳大急就嵇康絕交書皆托之右軍以應貞觀之募 法者瘗鹤銘行書中之有古隷者 頹魯公家廟碑今隸中之有小篆筆者歐陽廟亭道因 第結法雖沓拖多臥勢不能作山陰内擫筆然圓熟輕 **耳行草自二王外獨有皇象索靖及亮白一** 閣帖真書自鍾太傅宣示外獨有王世將僧虔四疏啓 碑今禄中之有古隸筆者皇泉天發碑分篆中之有童 以其體最古雅不落塵也 已可戶公告 Į 書畫索考 紙耳何也 五十五

亭而已 多分四月石書 樂毅論揭本住者猶可什倍它刻也 以杜子美比司馬遷以江瑶柱比荔枝也 右軍字似左傳大令字似莊周山谷為此言亦猶東坡 **孫過庭云既得平正須追險絕書家以險絕為功惟顏** 古楷行之妙無過鍾王鍾王之跡妙者宣示樂毅蘭 不妨張翼之亂真也 墨池環録 卷二

交作極一 **尼巴马瓦公司** 書家以分行布白謂之九宮元人作書經云黃庭有六 具寬云稱善書者必曰師鍾衛及親顏柳諸家異體而 行與景度草得之 書譜雖運筆爛熟而中藏軌法故自森然 不能外顏柳他求者 同趣亦未必不自衛鍾來也若夫宋之蘇黃米蔡羣公 董玄字品書內小字文 代書家之或其構勢雖各不作要之于理又 宰自注 嘉盡景考 五十六

帖筆法參合用之所謂萬歲通天帖者是也 事者取去亦復有價本如此本差稱意乃以王方慶進 唐模右軍真蹟以十七帖為致住余臨數十本皆為好 筆也善用筆者清勁不善用筆者濃濁不獨連篇各體 **内景經全在筆墨畦逕之外其為六朝人得意書無疑** 有分别一字中亦具此兩種不可不知也 金月四月八月 今人作書只信筆為波畫耳結構縱有古法未嘗真用 分九宮曹娥有四分九宮是也 T 卷二

、ここり言いたう 誤以為李懷琳耳 中缺續字乃悟為右軍書蕭齊所模避子續諱而後人 楷書以智永千文為宗極虞永與其一變耳文徵仲學 退額滿五簏未必不合符前人顧經嚴不能成千字卷 及武林楊侍御自安福傳來唐模絕交書與行穰帖同 千文得其姿始予以虞書意入永師為此一家筆法若 余曾有右軍行穰帖真蹟十五字正是十七帖 何稱習者之門自分與此道遠矣 種書

得 楊少師步虚詞帖即米家藏大仙帖也其書賽看簡澹 多分四月全書 有虞永與馬贊亦見柳州集并两十 行乃知宋人所集雲麾碑等石刻蒙之北海也羣玉帖 李北海書荆門行刻於羣王堂帖予疑李北海詩在太 白集中者皆沉鬱髙古無此流易及觀王建詩有荆門 蔡忠惠書畫錦堂記凡一字數十更存其合者纔得頹 洗唐朝姿焰之習宋四大家皆出於此余每臨之亦 挺

拙也月朔八 此如黄金鑄范少伯一鑄而就正以速成自喜不計工 熠熠如從月之星紆徐宛轉耀縄如繁璽之絲恐學者 扶則不能無至於尺贖押書姿態橫溢不於而妍不束 碑什七耳今日得宋揭徐李海韶州府君碑以其意為 所未能至也上與二表近之 而整不終而豪蕭散容與霏霏如甘雨之霖森疎掩城 王履道評東坡書云世學公書衆矣剱拔弩張驥奔稅 こうきんか 番濫原考 五十八

荆州仲宣樓所刻登樓賦為吾松喬懋敬書喬素無書 然胸之生谷宣待人而複哉 賞會而具中君子鮮助羽胡惟王弇州先生始為拈出 所及也然人地既髙門風亦峻不與海内翰墨家盤旋 顏尚書行書學李北海幾無遺憾足為正宗非文待詔 國朝書法當以吾松沈民則為正始至陸文裕正書學 從游莫廷韓是龍所書今為正之 名彼中士大夫亦不知為名手也奮曾為荆南觀察乃

多次四月石書

た己の日 A 日 故僧虔衣鉢耳東坡草亦學長沙今傳醉翁亭未必是 東坡書是學王僧虔而歷代評者謂學徐浩政不知浩 宋時傳三昧懶亭出于杜器之杜畜百本而唐刻為第 杜名實晉其有實晉印者不獨老米也 知有玄宰而董氏書法開山肇自原正罕知之者有 松江董原正為玄宰先生從兄工翰墨而蚤世人皆 雙鉤宋本十七帖在吾禾髙公玄家 陳智公筆記 書藏原考 五十九

蹟往往覆以真者為偽此豈眼中有筋者乎 金牙巴压人門 臨樂毅論米节文賦以自隨中書舍人趙士禎為言如 子昂亦書文賦 此儒又考右軍曾書文賦褚河南亦有臨右軍文賦趙 今皇天藻飛翔雅好書法每携獻之鴨頭九帖虞世南 東坡詩卷有一 公謹極喜此跋可謂善下語余當謂多見石刻少見真 居士禁操得之 **跋云觀此真跡始覺偽者甚可笑也問**

處有科書脩字數個葢歐陽文忠公再拓本也昔年於 海字竹娥十年前購得一本正海字獨留本也但其關 士之子安世為錢唐主簿存中就其家見之末後獨 發耳後温韜盗發其石已碎用鐵 錮之皇祐中高紳學 筆於石而鐫之以為家法者昭陵之殉亦以其石便於 姑蘇韓氏見一 沈存中云唐太宗力購羲之真蹟唯樂毅論乃右軍親 これりまたとけ 李君實評帖 3 絹素臨本相訥以為右軍手書可謂 書畫原考 六十

中有方大洛神賦方大在五分中曹娥碑五分字四分 金成四月日書 由悟 樂殺論小中有楷黃庭經楷中有小東方朔盡贊五分 識源委者矣 樂教論王著所書李白狂草葛叔忱所書絕交書李懷 屋漏雨篷振沙飛怒猊渴驥此書家禪案也不參透何 偷證公孫大娘舞劔擔夫與公主爭道錐畫沙折致股 畫力命表三分畫五分字此書家教典也不講求何由

に己り国と時 **攷之非也按陶隱居真誥翼真檢云晉哀帝與寧二** 黄庭經一節實欠詳審伯思曰黄庭經帖為逸少書僕 磨滅者 琳所書大字蘭亭叙徐鉉所書天地間偽物亦有不可 逸少安得預書之又按梁虞和論書表云山陰壜釀村 少以穆帝升平五年卒後二年為與寧二年此經始降 南嶽魏夫人所授惟有黄庭經一篇得存益此經也逆 宋黄伯思東觀餘論辨駁古今法書最為精刻乃其辨 書畫原考

養黨道士謂義之曰久欲寫河上公老子纁素已具無 多分四屋石具 事而太白詩亦雨見一云右軍本清真瀟灑在風塵山 又云逸少有名之蹟不過數首黄庭勸進樂毅等不審 猶有存否益此啓在著真誥前未之考耳而李太白乃 日寫畢携於去晉書本傳亦者是說然隱居與梁武啓 不知右軍寫道德經換舊又寫黃庭經換舊自是兩番 有黄庭換白舊之句相習之謬也伯思自以為至當矣 人能書府君能自屈書兩章便合羣以奉義之為停半

, at a train and distin 黃庭通甲緣身經黃庭玉軸經魏夫人所出乃內景一 逸與多山陰道士如相見應寫黃庭換白鶩實互用之 籠舊去何曽別主人一云鏡湖清水漾晴波狂客歸卯 所書兩不相溷也張懷瓘書斷張彦遠法書要録並載 陰遇羽容要此好驚賓掃素寫道德筆精妙入神書能 右軍書黃庭六十行褚遂良右軍書目黃庭經書與山 種係楊真人義寫其外景經老君所作先出行世右軍 也考道藏黃庭有數種有內景黃庭有外景黃庭又有 書畫彙考

動力四月分言 錯着之耳此亦殊非細故黄長睿赦而不攻何也 制始於唐當是書梁字之誤也又梁武令段鐵石搨 疑哉吃人無誤正伯思自誤耳 中見武后曝書太宗所遗者六十餘函有黄庭何所 王書今大令帖中有稱鐵石者即是般所書而王若輩 **陰道士其時真蹟自在又武平一徐氏法書記親在禁 猺過庭書可謂變動之極矣昔人循以千字一** 千字文前行書勅散騎員外郎周興嗣次韻考勅命之 卷二

ただり最合島 之羣三公筆墨變化往往隨事注精以展其妙如此 米南宮書天馬賦有掣街順轡不受羈絡之氣山谷注 古人論行書云八面拱心而無横畫余向未薦此古今 方叔則高朗卓榮宛然龍縣步驟延頸駒目以顧草澤 李伯時所寫天問六馬贊幹栗聳峙如就駕鑾與排仗 偃草短之何也 春得米元章書朱樂圃墓表逐字玩之見其操團凑合 **閻闔蓄干里遠邁之意而不敢逞若坡翁作馬券與李** 1 嘉畫景考 六十二

描字蘇軾畫字上問卿何如對曰臣書刷字世皆不解 米元章論書於道君前曰蔡襄勒字沈遼排字黃庭堅 是未得真蹟到眼縫耳 徐季海法也例字本出飛白運帚之義意信肘而不信 多分四层石雪 腕信指而不信筆揮霍迅疾中含枯潤有天成之妙右 其何語余為詮注曰勒字顏法也描字虞永法也盡字 無有間隙乃始了然今人或謂學蘇米則沓拖不緊峭 法也隱然凌樂諸老自占一 C 頭地

議論者識也實話者力也力旺者能蔑識識到者又能 ここりる とら マ 宋内府五十餘種與韓氏羣王堂賈氏悦生堂本爾時 消力語云識法者懼每多拘縮天趣不得泛溢也觀白 所自運顧遠出諸名家後大抵議論與實詣確然兩事 宋嚴羽卿論詩姜堯章論書皆精刻深至具有卓見及 猶有存者故國衡得選其萃耳 石書詠滄浪詩自當得之 元大德問錢塘錢國衡刻十種蘭亭筆法成有異超南 高盡原考 八十四

收其虚聲耳何足為公論余當擇其名不愧實者於蘇 之書墨當積三分何也東坡真蹟墨如涤隱起楊素之 趙松雪云古人作字多不用濃墨太濃則失筆意然義 上山谷亦謂其用墨太豐而風韻有餘然則松雪所云 得八人馬祝京兆允明文待詔徵明王太學寵陳方伯 雲間陸應現云王弇州序三呉書家而漫及若干人第 特档書平行書則不然 樵史品三呉書 卷二

多分山屋台書

7

己己可見 日等 風骨耳文太史陸尚寶則楷書勝太史如文賦小楷尤 趙松雪大住二沈公則有楷書蒙宸眷最渥陳別駕自 識者謂先君子行草真楷出入晉唐而做顏魯公麻姑 陸詹事深莫方伯如忠俞文子野先生 松得七人馬沈學士度陳別駕璧沈大理粲張南安弼 鎏陸尚寶師道陳太學道復彭徴君年俞山人允文於 壇記尤獨步者莫方伯張南安以草書勝陸詹事臨墓 一家亦頗適勁吳中草書當以祝京兆第一然畧心 書畫景考 六十五

筆尤竒陳方伯唯扁額大字擅長書家彭徴君作楷近 精絕可愛王太學行書自一 金気で后ろ言 其名置之二甲命矣 颜真卿俞山人作楷近虞世南陸尚寶子傳廷試時內 絕超古與鍾元常抗衡黃庭經樂毅論若出兩手行書 閻夏公言手其卷嘆曰文漢魏而書晉唐擬第一上嫌 洛陽李處權云古今書稱右軍為首正書見曹娥碑妙 墨花閣雜誌 種風度而白雀寺臨沒之

八三丁 戸 台書 氣壓鄰侯三萬籤 及精考蘭事樂毅論然後知文忠之言為不謬也 黃庭特後人緣山陰抵舊事附益遺教出於唐寫經手 秦太虚云黄庭遗教皆非逸少之蹟歐陽文忠公嘗謂 見蘭亭叙高風勝韻為一代冠 張桓侯不特有八分刁斗銘又有流江縣記功碑云漢 張愛賓稱惟王義之能為一 東坡書劉景文所藏王大令帖詩云君家子敬十二字 Ų 書盖景考 筆書陸探微能為一 学六 筆 畵

董北苑云劉德升為書家祖師鍾縣胡昭皆受其學的 將張飛率精騎萬人大破賊首張邻于八濛立馬勒 多方四月白言 定武本世罕傳已久即周憲王邸中所鐫五種蘭亭其 古佻達故不欲為定武左袒即今所模褚河南蘭亭亦 肥鍾瘦各得 歐陽率更臨則楷法多猪河南臨則行法勝米海岳筆 間 用我法以意為之耳然生趣森勃超然凌空之態仍 肥瘦不一行楷雜亂非復右軍故步矣相傳定武為 U 體

米南宫稱法書曰墨王可謂極稱非右軍大令東武亭 **婚逝勁有法誠少與為比** 鍾紹京景龍中以院總監從討韋氏有功性嗜書家藏 不減山陰面目也 に己の最合的 侯不足當也 王羲之獻之褚遂良書至數十百卷以善書直鳳閣武 **唐書學有通微院體** 后時榜諸宮殿明堂及銘九鼎皆紹京書也其字畫妍 1 書藏 崇考 ハナモ

一昔管仲變井田而成內政孔明變內政而成八陣李衛 鮮于奉常公常見葉秋臺書反覆諦視至欲下拜 懷素書意在筆前多意到而筆不到趙孟頫書弱中示 **臧所謂太上達節者也** 勁岩綿聚鐵云 多为山丘人言 公變八陣而成六花 君謨變右軍平原而成忠惠此子 以千金哉自米一鑒而偽分黃再鑒而真出于是博古 王若閤帖誤人千載世俗莫覺爭相實尚不幾享版帚

刻亦未始見尤可實也卷後附索靖出師頌鍾縣賀捷 己己丁草二 率更正書出大令森森若武庫矛戟虞永與稱其不 竿頭進一步耳 為希跡用以壓卷者益人由王索而窺元常真為百尺 表按出師頌昔人定為蕭子雲賀捷則鍾真筆二帖俱 逸髙出淳化千倍内領動等五帖又淳化中所無而 所模然書譜未載不知何據余觀其神骨冷冷結構逝 家始知不誣古矣此卷大令書標為澄清堂世傳賀監 1 意盡栗芳 イナハ 他

宗 醴泉銘不無少變乃字畫之妙不在二帖下正如郭 共七十六字而清瘦古健道勁之中不失婉潤較化度 紙筆高麗亦知愛重遣使請之其名重如此是夢莫帖 寒大令洛神六朝不知名氏曹娥羊叔子遺教陶弘景 真書鍾繇宣示力命勉捷右軍樂殺畫赞黃庭告誓霜 松 **瘗鶴舊館壇智永千文虞世南孔子廟碑歐陽詢九成** 風矣 雖標格極峻而虚和近人他書未免作李元禮設謖 表二

多分四月百言

行書鍾丙舍呉人羸頓雪寒長風右軍蘭亭極寒麥熟 宫化度寺虞恭公褚遂良哀册聖教張旭郎官顏魯公 山陰東風轉勝相過驚還觸事夏節恨深黃者磐石駱 官奴快雪來禽奉橘聖教序開元寺大令地黄歲終衛 軍授衣阿姨驚羣嚴盡夏日奉對思戀天寶吳與黃門 てこり 声にい 姑仙壇放生池中與頌干禄字東方朔贊柳公權陀 月内尊體謝安八月五日褚遂良枯樹李邕婆羅 Į **喜盛家考**

多灾四月至書 張從中玄靜 人書雖非名法之家亦有 以清簡相尚虚曠為懷修容發語以韻相勝落 自然可觀可以精神解領未可以言語求竟也 種風流韻籍之